



Universitätsbibliothek Paderborn

**Theses Historico-Theologicae Pertinentes Ad Anteriores
Theses De Gratia, Peccatis Ignorantiae, Probabilitate &
Charitate**

Huygens, Gommarus

Lovanii, [1683?]

Conclusio Quarta. Detegitur alius modus accusandi arti Politicæ potius
quàm veritati nitens.

urn:nbn:de:hbz:466:1-40464

CONCLUSIO QUARTA.

Detectitur alius modus accusandi arti Politica potius quam veritati nitens.

Doctrinam de differenda absolutione in Methodo traditam, Adversarii in famoso illo libro qui dicitur *Specimen Theologicum* asseruerunt esse toti Universitati Lovaniensi communem: cui satis conforme est, quod de Methodo dicitur in quadam memoriali, Hispanico idiomate conscripto, Madriti Catholice sue Majestati exhibito, quod scilicet librum istum quasi adorent Belgii Ianseniste. Sed planè contrarium dicitur in alio libello, ubi in ipso titulo statuitur quod doctrina ista non sit Universitatis, sed quorundam privatiorum, & nominatim duorum. Quis hic non miretur tantam contrarietatem inter libellos quorum unus & idem est Scopus, nimirum eliminare doctrinam in Methodo contentam? Sed aliud uno aliud alio loco, aliud quoque uno, aliud alio tempore eidem scopo visum est opportunum. Ex eadem arte politica promanat, quod Adversarii quandoque me soli, & quasi in doctrinā de Gratia ab aliis Lovaniensibus dissentirem, voluerint de Hæresi suspectum reddere, alias vero, & longè sepius, Theologos Lovanienses generatim, & quidem in memoriali ante nominato, non soli Lovanienses, sed quotquot saltem pro hoc statu naturae lapsæ afferunt esse necessariam gratiam per se efficacem, simili accusatione involvuntur: *Multa sunt in Belgio Religiones*, inquiunt Adversarii in dicto memoriali, *qua à Iansenismo se intactas conservant*: sed audi quid addant: *Vinam idem de Premonstratenstibus S. Norberti affirmare liceret!* Nota est omnibus infectio majoris partis Monasteriorum hujus instituti, quodque illa ab ipsa hujus nove doctrina origine, eidem maximè adhaerent. De Religionibus SS. August. & Dominici sic paulò post subjungunt: *Bonum ingens Religionibus SS. Augustini & Dominici in dicta Patria apprecatur*, qui eas omni spe promotionis ad strictam Facultatem destitutas exoptat. *Hujus rei rationes suprà deduximus*; His scilicet verbis, utrique isti lacræ familiae valde injuriosis: *Qua in ipsis duabus sacris Familias, vix datur grandioris nota Theologus*, qui ad strictam illam Facultatem vota non dirigat.... Hinc provenit *vix aliquem alicujus nota virum in universo Belgio reperiri*, qui se Anti-jansenistam profiteri auct. Sed quid de Capucinis? *Capucinorum Belgicorum Religio*, inquiunt, manifestè in duas fætiones dividitur, unam Iansenistarum, quam juniores, aliam Anti-jansenistarum, quam seniores constituerunt. Et hic nondum finis, sed de Carmelitis Discalceatis hæc addunt: *Nec ab hoc contagio Ordo Carmelitarum Discalceatorum in Belgio purus existit*. De Clero autem seculari hæc: *Contagiosa hec pestis maximè in Clero Seculari gravatur.... nec ullibi magis quam inter Clericos Oratorii*. Hic iterum advertere licet pro diversitate locorum, diversitatem accusationum, ad eundem nihilominus finem tendentium. In Belgio unum aut paucos accusant Adversarii, ac si ille & non alii singularem aliquam de gratia doctrinam propugnarent, ut sic multorum declinando invidiam, paucos illos facilius reddant omnibus exosos: at in Hispania (ubi propter absentiam personarum accusatarum facilius se posse latere sperant) omnes Religiones Belgicas jam enumeratas eadem accusatione involvunt, ut scilicet simul & semel omnes istorum Ordinum Religiosos Belgas, cum Clericis Oratorii, aliisque de Clero seculari, tamquam de Hæresi suspectos, à strictâ Facultate Lovaniensi & qualibet dignitate Ecclesiastica excludendos probent. Hunc fuisse eorum scopum colligimus, non ex actionibus merè internis (prout toties ab Adversariis nostris, signanter ab Auctore libri cuius titulus: *Status, origo, scopus &c. & etiam ab Authore sepe citati memorialis factitatum esse videmus,) sed ex ipsis eorum verbis, quibus finem illum in memoriali exprimunt. Si dubitent, istud & alia plura ex isto memoriali toti mundo parati sumus ostendere. Sed nunquid à paritate rationis Augustinus à numero Doctorum & Episcoporum Ecclesiae excludendus fuisset per illos, à quibus similem ob causam suspectus redditur, tanquam imperitus, stupidus ac cœcus habetur, ut non modo gratia ipsius, de qua dixerat, vim naturamque nescierit; sed nec arbitrii humani libertatem,*



tatem, ne monitus quidem, dogmate suo evertare se senserit. Verba sunt Discipulorum Molinæ
adversus quos egerunt Majores nostri. Alias Adversariorum artes politicas Compendii
causa præterimus.

CONCLUSIO QUINTA.

Respondetur ad ea qua rursus objiciuntur contrà libertatem amoris beatifici.

Diximus quod circà amorem beatificum reperiatur duplex necessitas, una ex parte ob-
jecti, altera ex parte statûs; sed quod in ipso amore beatifico major sit à necessitate
libertas quâm in amore viatoris, idque conforme esse S. Augustino, qui lib. ultimo de
civit. Dei c. ultimo sic ait: *Primum liberum arbitrium quod homini datum est, quando primum
creatus est rectus, potuit non peccare, sed potuit & peccare, hoc autem novissimum eo potentius erit,
quo peccare non poterit.* Et alibi: *Quid enim liberius erit libero arbitrio quando non poterit servire
peccato?* lib. de corrept. & grat. c. 11. Hanc sententiam probavimus etiam ex ipsis principiis
Augustini, secundum quem voluntas nostra, *quia est in potestate, libera est nobis lib.* 3.^a
de lib. arbit. cap. 3. & antè eod. cap. *Non posse aliud sentire esse in nostra potestate, nisi quod
cum volumus facimus.* Facere *cum volumus*, sive *quia volumus*, est facere *voluntate*, non ut
natura est, prout efficit motus primò primos, sed *ut voluntas est*, id est, voluntate semet-
ipsam ex ductu rationis determinante. Hic est connaturalis modus agendi voluntatis,
quem gratia tantò magis auget, quantò magis intellectum illuminat, quantoque magis
voluntatem determinat ut se ipsam determinet; *voluntas libera tantò erit liberior quamquo fanior,*
tantò autem fanior quamquo divine misericordie gratiaque subiectior. August. epist. 89. quæst. 2.
Hinc ubi major gratia, ibi major libertas, ubi ergò maxima gratia, illuc libertas maxima;
adde & illuc, quantum est ex parte modi agendi, necessitas minima; siquidem agere vo-
luntate, sive *quia volumus*, & agere necessitate, secundum S. Aug. lib. 3. de lib. arbit. c. 3.
directè sibi opponuntur. Conformiter S. Bernard. *Quod ex necessitate fit, non jam ex voluntate,* & è converso. De lib. arbit. cap. 3. Ex quibus omnibus rursus manifestum est quod
juxta principia S. Augustini in ipso amore beatifico, sit maxima libertas à necessitate. Fa-
cile etiam est ex his videre quod iisdem Augustini principiis conforme sit illud Augustini
de Christo assertum: *An idèo in illo libera voluntas non erat, ac non tantò magis erat quanto magis
peccato servire non poterat?* Hæc in th. 14. De sententia S. Aug. Præterea th. 15. fusus ex-
plicavimus essentiam libertatis, & qualiter illa locum habeat in amore beatifico; quibus sub-
junximus: Si Adversarii hæc admittere renuant, sciant nos longè minus admissuros, aut ad-
mittere posse modum quo illi secundum sua principia, cum præcepto Patris & prædefini-
tione actuum Christi Domini conciliant libertatem Christi; cum ex liberrate Christi dedu-
catur ineluctabili consequentiâ libertas amoris beatifici. Hæc & alia plura pro libertate
amoris beatifici allegavimus in Thesibus nostris de Doctrina S. Aug. in quibus etiam dixi-
mus: quotquot cum Augustino, Bernardo, Hugone de S. Victore, Damasceno, &c. non
aliud ad libertatem requirunt, quâm ut voluntas agat ut voluntas est, id est, ut ex ductu
rationis se determinet ad id quod vult, hos omnes cum S. Augustino loco citato & sancto
Thoma 1. part. quæst. 62. art. 8. ad 3. afferere debere, quod *major arbitrii libertas sit in
Angelis qui peccare non possunt, quâm in nobis qui peccare possimus.* Petivimus etiam in Thesibus
nostris de doctrina Semi-pelagianorum saltem aliquot Authores assignari (agendo de iis
qui fuerunt ante Almainum) pro sententia negante libertatem amoris beatifici. Quæ omnia
præterit, procul dubio studiose, Author Thesum defensarum die 13. Julii hoc anno,
affectando Thesum nostrarum ignorantiam, tum ut isto colore sibi eximat obligationem
iis respondendi, tum ut liberiū posset in sententiam de liberrate amoris beatifici, tamquam
à me solo affirmatam, &, ut autumat, à me solo afferendam, declamare cum illa acrimo-

